




BIBLIOTHECA
S. AUGUSTINI
E. GRAEVINGIA

8212-


- 8216


Augustianie

1574



AUG. 8212-
- 8216





Instructio super JUBILÆO Magno per Sanctissimum Dominum Nostrum Dominum PIUM PP. VI. ad universum Orbem Catholicum in Anno 1776. extenso ad Parochos, Concionatores & Confessarios Diœcesis Cracoviensis.

CAJETANUS IGNATIUS
S O L T Y K

DEI & Apostolicæ Sedis Gratiâ, EPISCOPUS
Cracoviensis, DUX Severiæ.

Dilectis Nobis in Christo Admodum Reverendis, Reverendis ac Religiosis Diœcesis Nostræ, Præpositis, Parochis, Concinatoribus, Commendariis, Vicariis & Confessariis tam secularibus, quàm Regularibus, ac omnibus in cura anima um laborantibus Salutem in Domino.



Cum Nos maxima urgeat sollicitudo, ut celebratio Jubilæi præsentis, per Sanctissimum Dominum Nostrum, Dominum PIUM PP. VI. ad Orbem Catholicum extensi, in Diœcesi Nostra facienda, quàm uberri- mos in salute Animarum adferat fructus, magnopere necessarium ex- istimavimus, quædam saluberrima monita & informationes occasione Jubilæi ex Operibus immortalis memoriæ BENEDICTI PP. XIV. excerpta, vobis ob oculos quasi in compendio ponere, ut his veluti optima regula, tam in tradenda de Jubilæo doctrina Catholica, quàm in moderandis Pœnitentium conscientiis, diri- gi valeatis.

A

Ex-

Aug. 8216 (a)

Ex Encyclica Ejus quæ incipit = APOSTOLICA CONSTITUTIO =

1^{mo}. Illud Evangelicis Missionum Operariis, Parochis, Concionatoribus, & Catechistis inculcatur, ut Catecheses ad populum habeant, in quibus Catholicam de Indulgentiis, ac universali Jubilæo doctrinam explicent, his posthabitis quaestionibus, quæ ad puram disceptationem per Polemicæ vel Moralis Theologiæ Tractatores agitantur. Satis enim erit fidei populo, si bene noverit, quòd Sacramentò Pœnitentiæ, quando quis bene illo utitur, culpa pœnaq; æterna dimittatur, temporalis verò pœna univèrsa rarò tollatur, quæ idèò aut satisfactoriis operibus in hac vita, aut post obitum, Purgatorii igne remanet eluenda, ut docet Sacra Synodus Tridentina Sess. 6^{ta}. Cap. 14. & Can. 30. ejusdem Sess. sub tit. de Justif. Satis item erit si Fideles Christi sciant, quòd adsit in Ecclesia indeficiens thesaurus ex immensa meritorum Christi copia confectus, cui & alia Sanctorum accedunt merita, quòd hujusce Theauri dispensatio ab eodem Christo Domino, Ejus in terris Vicario Romano Pontifici sit concedita, idèòq; providò Romani Pontificis consiliò, justis causis ita svadentibus modò ampliorem, modò contractiorem fieri possè horum meritorum applicationem, sive per modum absolutionis pro vivis, sive pro mortuis per modum suffragii, si tamen viventes culpam pœnaq; æternam per Pœnitentiã deleverint, defuncti verò Deo in Charitate conjuncti ex hac vita migraverint. Porrò hæc meritorum applicatio Indulgentiæ Nominè donatur, quam quisquis rite consequitur, à temporali peccatorum pœna liberatur pro mensura applicationis, quam legitimus Dispensator concessit ac definiit. &c. &c. Monendus etiã erit Christianus Populus, Indulgentiam Anni Jubilæi plenariam esse, & ab aliis item plenariis, etiã iis, quæ per modum Jubilæi conceduntur distingui idèò, quòd Sacrò Jubilæi Anno Confessariis ad id designatis amplior tribuatur facultas in absolvendo à peccatis, & dispensando super vinculis & impedimentis quibusdam &c. Hæc docuisse satis erit, ut populus ea percipiat, quæ ad Indulgentiarum materiam pertinent.

2^{do}. Hortamenta ac monita ingeminant, ut Fideles ad Annum Jubilæi accedant ritè dispositi, hinc ad validam & uti em peccatorum confessionem perficiendam populos erudiant, ut qui possunt, etiã ad generalem peccatorum confessionem instituendam facillè inducantur, quæ generalis Confessio tam per S. Carolum Boromæum, quàm per omnes pios & doctos confessoriarum Moderatores summe semper fuit commendata. Congruè hoc loco allegari possunt verba BENEDICTI XI. in Decretali = INTER CUNCTAS = de Privileg. *Licet non sit de necessitate iterum confiteri eadem peccata, tamen propter erubescèntiam, quæ est magna Pœnitentiæ pars, ut eorundem peccatorum iteretur Confessio, reputamus salubris.*

3^{to}. Confessiones autem sive ordinariæ sive generales, carebunt effectu, qui expectatur, si non à probis, doctis ac in sana Ecclesiæ doctrina ritè instructis Confessariis excipiuntur. Longè major quàm alio tempore premit nunc Nos ratio, ut occasione Jubilæi vehementiori verborum xi Confessariis monita præbeamus. 1^{mo}. Meminerint eos gravis criminis reos esse, qui in Tri-
bu-

lunalī Pœnitentiæ sedentes nulla tacti sollicitudine Pœnitentes audiunt, non
 nonent, non interrogant, sed expleta criminum enumeratione, Absolutionis
 formam illico proferunt. Id non est agere Medicum, qui vulnere oleum ac vi-
 rum infundere debet. Tenetur igitur Confessarius bonum Medicum imitan-
 do, non solum criminum circumstantias indagare, sed etiam confitentis indol-
 em ac ingenium inspicere, ut illi succurrat congruis & oportunis remediis, ex
 quibus Animæ salutem consequatur. Tenetur diversis experimentis uti ad san-
 nandum ægrotum. Unde si adverterit Pœnitentem omittere aliquod peccatum,
 in quo versatur, vel si aliquid criminofum de Pœnitente audierit, aut per
 aliquam prudentem conjecturam intellexerit, debet cautè ac prudenter mo-
 nere, ac in memoriam Pœnitentis revocare, ut ritè comparatus Sacramenti
 Pœnitentiæ fructum percipiat. *2do.* Si fortè, quod frequentius contingit, Con-
 fessarius à Pœnitente audiverit, materiam peculiari examine dignam, caveat
 ne divinando resolvat, sed prius oportuna consilia adhibeat. Cum non omnes
 eà polleant scientiâ quæ eminent vocatur, ideoq; qui hac destituti sunt, om-
 nino ope peritorum, & ope Librorum difficultiores casus, in Confessione occur-
 rentes resolvant. Sciant tamen etiam Libros, aliàs Theologos Morales eligere,
 siquidem compertum est, quòd in tanta Theologorum Moraliū copia *Complu-
 res opiniones, verba sunt ALEXANDRI VII. in Decreto edito die 7ma. 7bris
 1665. Christiana disciplina relaxativa & Animarum perniciem inferentes, partim
 antiqua iterum suscitantur, partim nove produntur. &c. &c.* Itaq; Confessarii
 non innitendo in rebus dubiis propriæ opinioni, Libros consulant, sed eos,
 quorum doctrina solidior, & deinde illi adhæreant sententiæ, quam ratio
 svadet, ac firmat Authoritas. *3to.* Meminerint Confessarii semper illius effa-
 ti Cardinalis Bellarmini. *Non esset tanta facilitas peccandi, si non esset tanta fa-
 cilitas absolvendi.* Memores itaq; Propositionum hac in materia à S. Sede Apo-
 stolica damnatarum sub die 2da. Mart. 1679, Propositionis sexagesimæ cum
 tribus sequentibus, discant quibus in casibus concedenda, deneganda aut pro-
 trahenda sit Absolutio. *Nec absolvant eos, qui talis beneficii sunt incapaces quæ-
 tes sunt, qui nulla dant signa doloris, qui odia & inimicitias deponere, aut alie-
 na si possunt restituere, aut proximam peccandi occasionem deserere, aut alio ma-
 do peccata derelinquere, & vitam in melius emendare nolunt, aut qui publicum scan-
 dalum dederunt, nisi publicè satisfaciant & scandalum tollant.* Verba sunt Ritu-
 alis Romani. *4to.* Meminerint quòd ad satisfactionem, quæ Sacramenti Pœni-
 tentiæ ultima pars est, eaq; integralis, quòd quamvis pia Mater Ecclesia emolli-
 verit severitatem Canonum Pœnitentialium Antiquorum, non ideo tamen pos-
 suat Confessarii satisfactionem pro libitu & nimium indulgenter imponere,
 sed in hoc se juxta justitiæ, prudentiæ ac æquitatis regulas gerere debent.
*Debent Sacerdotes Domini quantum spiritus & prudentis sagesserint pro qualitate
 criminum & Pœnitentium facultate salutare & convenientes satisfationes injunge-
 re; ne si fortè peccatis conniveant, & indulgentiis cum Pœnitentibus agant, levissi-
 ma quadam opera pro gravissimis delictis injungendo, alienorum peccatorum parti-
 cipes efficiantur. Habeant autem præ oculis, ut satisfactio quam imponunt, non sit*

tantum ad noua uita custodiam, & infirmitatis medicamentum, sed etiam ad praeteritorum peccatorum mundanæ & castigationem, nam claves Sacerdotum non ad solvendum duntaxat, sed & ad ligandum concessas etiam antiqui Patres credunt & docent. Verba sunt Concilii Tridentini: Cap: 8. Sess: 14 de Poenitentia. Multum prodest Confessario notitia Canonum Antiquorum Poenitentialium, quia quamvis eos in usum nequit revocare, potest tamen Poenitentem eos inuadere, & differentiam modernæ discretæ satisfactionis, ab illa severiori antiqua demonstrare, ut ita Poenitens libentiùs acquiescat impositæ sibi nunc satisfactioni.

Ex Bulla quæ incipit = CONVOCATIS =

1mo. Meminerint Confessarii concessis facultatibus prudenter & circumspectè uti, 2do. Non possunt uti facultatibus Jubilæi, nisi cum iis Poenitentibus, qui illud consequi serio & sincerè volunt. 3to. Absolutiones, commutationes, dispensationes non possunt per Confessarios exerceri extra Actum Sacramentalis Confessionis. 4to. Non prætermittant suam cuiq; Poenitenti salutarem Poenitentiam imponere in Sacramento, ne prætextu quidem Jubilæi per eundem Poenitentem consequendi. 5to. Ab occultis Censuris ob partem læsam incuris non priùs absoluant, quam parti læsæ Poenitens satisfecerit, vel si priùs Poenitens nequeat, non eum absoluant, nisi juret se satisfacturum eum primùm poterit. 6to. Violantibus Clausuram Monialium ad malum finem, in casibus etiam occultis, imponant prohibitionem accedendi in posterum ad quævis Monasteria & Ecclesias Monialium, monendo Poenitentes hujusmodi, ita ipsos absolvi à Censuris ob relatam violationem incuris, ut si inpositam illam prohibitionem non servaverint, relabantur eo ipso in easdem Censuras. 7mo. Religiosos verò suam violantes Clausuram per mulierum introductionem ad malum finem, ita à Censuris propter à linearis absoluant, ut super inhabilitate ulterius per hoc contracta ad Dignitates, & Officia sui Ordinis consequenda nullatenus eum iisdem dispensent. 8vo. A lectione Librorum prohibitorum præsertim in Bulla Coenæ contentorum non antè absoluant, quam Poenitens Libros, quos in sua potestate habeat Ordinario, aut Ejus Officio secretè vel ipsimet Confessario tradiderit, vel se quam primùm poterit, traditurum promiserit, si tradere antè Absolutionem nequeat. 9mo. Confessionem & Communionem pro hoc Jubilæo consequendo junctas non necesse est Visitationibus quatuor Ecclesiarum præmittere. Satis erit vel in hujusmodi Visitationum decursu, vel etiam post easdem Visitationes expletas Confessionis & Communionis Sacramenta suscipere. 10mo. Cum Confessio Sacramentalis in hoc Jubilæo sit opus injunctum, peragenda eadem erit etiam ab eo, qui solis peccatis venialibus teneatur, si hoc lucrari Jubilæum velit. 11mo. Si quis post Confessionem peractam in lethale peccatum (quod Deus avertat,) incidit antequàm omnia omnino opera pro Jubilæo hoc lucrando injuncta expleverit, Confessionem denud præmittere debet, priusquam ultimum saltem ex aliis injunctis operibus expleat, ut Indulgentiam hoc Jubilæo concessam consequatur.

Ex Encyclica, quæ incipit = FRA LE FATICHE .

1mo. Ad consequendum Jubilæum non sufficere Confessionem in voto, sed

fed requiri omnino in re, quam exposcit etiam ipse tenor concessæ Indulgentiæ *v. r. penitentibus & confessis. 2do. Circa facultatem commutandi vota absque Cong. sacri, quod non sit facultas commutandi simpliciter & absolute, verum commutandi dispensando, quæ res inter se diversæ sunt; nam dispensatio tollit obligationem voti, si e' ulla alia subrogatione, jam verò per commutationem non extinguitur obligatio voti, sed materia voti transfertur in aliam materiam, quæ ipsi subrogatur. Commutatio simplex a commutatione mixta cum dispensatione differt, quia prima exigeret subrogationem materiæ majoris aut saltem æqualis, altera verò capax est alicujus moderatæ inæqualitatis inter materiam voti, & materiam subrogatam veluti commutatio dispensativa. 3to. Quamvis optandum eiset, ut Visitatio Ecclesiarum in statu gratiæ fiat, ac proinde vel post Confessionem, vel saltem post Contritionis Actum, quia tamen fragilitati humane commissereri oportet, à fructu Jubilæi non excluduntur illi, qui non præmissa Confessione Visitationem Ecclesiarum incipiunt, ac prosequuntur, dummodò tamen, quando ultimum opus perficiunt, in statu gratiæ sint, ac dummodò Visitationes priores cum sensu devotionis adimpleantur, nec per tunc intentione exhibendi DEO honorem aut Sanctis Ejus, atq; Actus Religionis exercendi. &c. 4to. Ille qui confessus animò lucrandi Jubilæum, post Confessionem Visitationes Ecclesiarum incipit, & ante ultimam Visitationem in mortale peccatum incidit, obligatus est ad repetendam Confessionem, antequam Visitationem Ecclesiarum compleat, sed Visitationes jam antè factas non tenetur reiterare. Sicut etiam ille, qui peccati alicujus in facta jam Confessione innoxie est oblitus, tenetur ad Confessionem, antequam Visitationes Ecclesiarum compleat.*

Hæc sunt quæ ex Operibus BENEDICTI XIV. excerpta Vobis præ oculis habenda proponimus. Cum Bulla moderni Jubilæi extensiva solo duntaxat mutato exordio concordet in suo voto tenore cum Bulla BENEDICTI XIV. quæ incipit =BENEDICTUS DEUS= Jubilæi pariter magni extensiva, capropter omnes supra excerptæ de Jubilæo BENEDICTI XIV. Præmonitiones & Resolutiones, pro moderno etiam certissimas regulas præferunt. Reimpresam moderni Jubilæi Bullam una cum præsentî Instructione Vobis omnibus distribui disposuimus, ut Ejus contextum studiosè relegatis, ac tam illi, quàm superioribus Præmonitionibus inhaerentes ministerium Vestrum dignè adimpleatis. Insuper pro uberiori informatione sequentia etiam adjicimus. imò. Confessarii virtute moderni Jubilæi possunt absolvere per se ipsos tantum, & in foro duntaxat conscientiæ Personas sibi confitentes etiam Regulares, cujuscunq; sint Ordinis, Congregationis & Instituti, etiam si ex præscripto Superiorum, vel suarum Constitutionum etiam a Sede Apostolica approbatarum, vel alias ex Indulto, Decreto, aut Præcepto Apostolico extra propriam Religionem peccata sua confiteri prohibeantur, ab Excommunicationis, Suspensionis, & aliis Ecclesiasticis Sententiis & Censuris à jure vel ab homine quavis de causa latis, seu inflictis, etiam Nobis & Sedi Nostræ Ordinariæ ac Summo Pontifici & Sedi Apostolicæ etiam in Bulla Cœnæ Domini seu per alias quas-

cunq;

cunq; Apostolicas Constitutiones quomodocunq; reservatis, & à Sacris Canonibus fulminatis, dummodò tamen hujusmodi Censuræ non sint publicæ; nec non ab omnibus peccatis & excessibus, quantumcunq; gravibus & enormibus, etiam Nobis & Sedi Nostræ Ordinariæ, ac Summo Pontifici & Sedi Apostolicæ ut præfertur reservatis, injuncta ipsis Poenitentia salutari, & aliis de jure injungendis. 2do. Omnia & singula simplicia vota etiam jurata, ac Sedi Apostolicæ reservata (Castitatis, Religionis & Obligationis, quæ à tertio acceptata fuerint, seu in quibus agatur de præjudicio tertii, semper exceptis nec non pœnalibus, quæ præservativa à peccato nuncupantur, nisi commutatio futura judicetur ejusmodi, ut non minùs à peccato refrenet, quàm prior voti materia) in alia pia & salutaria opera commutare valent. 3to. Cum Poenitentibus in Sacris Ordinibus constitutis etiam Regularibus super occulta Irregularitate ad exercitium eorunden Ordinum & ad superiorum assecutionem ob Censurarum violationem duntaxat contracta dispensare possunt. 4to. Non est tamen data per præsens Jubilæum Confessariis potestas super alia aliqua Irregularitate vel publicâ vel occulta, seu defectu aut nota, aliâq; incapacitate aut inhabilitate quoquo modo contractis dispensandi seu habilitandi, & quidem nec in foro conscientiæ. Neq; etiam ulli Confessario facultas absolvendi Complicem in quolibet inhonesto contra *6um*. Præceptum peccato, aut Complici Confessarium talem eligendi. Neq; demum virtute Jubilæi præsentis possunt absolvi ii, qui à Sede Apostolica ab Officiis Nostris Diocæsaris, vel ab alio aliquo Episcopo seu Judice Ecclesiastico nominatim excommunicati, suspensi, interdicti, seu alias in Sententias & Censuras incidisse declarati vel publicè denunciati sunt, nisi intra tempus celebrationis Jubilæi satisfecerint, & cum partibus ubi opus fuerit concordaverint. Uti hæc omnia clarè præscribuntur in Bulla moderna *S. NON INTENDIMUS* 5to. Quamvis autem etiam in generalissima à reservatis facultate eum expressione quoq; Bullæ Cœnæ Domini non comprehendatur concessa facultas absolvendi ab hæresi formali externa etiam occulta juxta Decretum Universaliis Inquisitionis sub *ALEXANDRO VII.* die 15. Maji 1665. editum, adeoq; etiam in facultatibus moderni Jubilæi minimè impertita est, tamen ut faciliorem Poenitentes tempore præsentis Jubilæi habeant reconciliationem, vigore facultatum specialium Nobis à S. Sede Apostolica concessarum, communicamus pro moderno Jubilæo omnibus Confessariis potestatem etiam à tali hæresi formali externa tam occulta, quàm publicâ, ac à Censuris eam comitantibus quoscunq; Poenitentes tam Ecclesiasticos quàm Laicos utriusq; sexus absolvendi, prævia tamen coram Confessario abjuratone secreta hæresis hujusmodi quatenus occultæ, quia publicæ, in qua aliquis natus est, publicâ abjuratio fieri potest. Cùm etiam inter Conjuges frequens accidat Calus amissionis juris petendæ debitæ, ut illud quisq; Confessarius sub tempus Jubilæi restituere valeat suis Poenitentibus, facultatem oportunam per præsentem concedimus. Quod verò respicit impedimentata Matrimonii, sciant Confessarii, quod nullam un-

per

per eis virtute Jubilæi habeant potestatem, adeoq; circa dispensationes in
Casibus Matrimonialibus nihil quidquam proprio libitu attentent, sed cum
ex aliquo Pœnitente intellexerint, cum in nullo Matrimonio vivere, pro-
tunc aut Romam ad S. Pœnitentiarum, aut ad Nos pro oportuno remedio
recursum ex foro Pœnitentiali faciant, & se in talibus gerant juxta traditas per
meliores Theologos regulas. 6to. Quod ad Pueros Communionis incapaces, quod
ad Moniales, & quomodolibet in Clausura manentes, Anachoretas, Eremitas, in
carcere aut captivitate existentes, tum aliqua corporis infirmitate, pauper-
tate, seu quocunq; alio rationabili impedimento detentos quoscunq; tam Lai-
cos quam Ecclesiasticos Sæculares vel Regulares utriusq; Sexus datam No-
bis potestatem dispensandi super Communionem respectivè, super Visitatione
Ecclesiarum, & hæc vel ad minorem numerum reducendi, vel loco ejus
aliqua alia pia opera pro eujusq; statu & capacitate assignandi, transferimus
plenè in Parochos & Confessarios, qui juxta datam sibi à Domino prudenti-
am in præmissis dispensent, restringant, & alia opera pro Visitatione assi-
gnare valeant. Illis verò Capitulis, Cætibus, Conventibus, Monasteriis, So-
cietatibus, Confraternitatibus, quæ capitulariter aut processionaliter Eccle-
sias designatas, tam Cracoviæ, quam alibi visitabunt, Numerum quindecim
dierum ad dies Octo Visitationum sive continuarum, sive interpolatarum redu-
cimus & restringimus. 7to. Moniales verò Earumq; Novitiæ ad faciendam Con-
fessionem pro Jubilæo requisitam valeant sibi eligere quemcunq; Confessa-
rium ab Officiis Nostri pro excipiendis Monialium quarumcunq; Confessi-
onibus approbatum. Quam facultatem, tam toti Communitati Moniali-
um eujuscunq; Conventus, quam etiam cuilibet illarum in particulari ac sin-
gulariter competere posse declaramus, & quidem non una vice tantum, sed toties,
quoties quævis voluerit, per totum tempus celebrationis Jubilæi in loco co-
ram tali electo Confessario confiteri poterit. Imò etiam in locis ubi pauca
Monasteria Monialium, adeoq; pauci pro Monialibus Confessarii deputati ha-
bentur, liberum sit tam Communitati Monialium, quam cuilibet illarum co-
ram quocunq; ex Parochis, sive Confessariis approbatis ratione Jubilæi conse-
quendi confiteri, in quo plenam iis & adhibendis Confessariis largimur per præ-
sentes potestatem. Quam Mentem Nostram quibusvis Monialibus Confessariis
Earum Ordinarii explicare tempestivè teneamur. 8to. Ex rationibus Ani-
mum Nostrum permoventibus non deputamus selectos pro moderno Jubi-
læo Confessarios, sed omnibus & singulis Presbyteris per totam Nostram
Diocesim consistentibus tam Sæcularibus, quam Regularibus legitimam actualem
& Nobis vel Officiis Nostri Approbationem habentibus facultates omnes moder-
ni Jubilæi suffragari ac competere volumus, ac eos illis, servatis servandis cum
Pœnitentibus suis uti posse declaramus. Cracoviæ tamen in solis decem Ec-
clesiis juxta Nostram Ordinationem pro hac Urbe editam Confessiones pro
consequendo Jubilæo fieri poterunt, quam Nostram Ordinationem Confessarii
Cracoviæ præ oculis habeant, jam autem extra Cracoviam per totam Diocese-


sim in quacurq; Ecclesia tales Confessiones adimpleri valebunt. 9^{to}. Injun-
ctæ piæ preces in singularum Visitatione Ecclesiarum in Processu Nostro ex-
presse effundendæ, satis erit, si vocales fuerint. Qui sola mente ad fines pro-
positos devotè orare voluerit, laudandus est, aliquam tamen etiam orationem
vocalem adjungat.

Hanc brevem Instructionem Vobis exarare Officii Nostri Pastoralis es-
se diximus. Nunc concludendo revocamus Vobis in memoriam illa Christi
verba, quæ totam Vocationis Ecclesiasticæ scopum constituunt: *Porto vos, ut ca-
ris & fructum afferatis*. Satagite itaq; in vestris Concionibus, Cohortationibus, Ca-
techeibus & Tribunali Pœnitentiæ Fideles Christi ita per semitas Pœnitentiæ di-
rigere, ut *fructus vester maneat*. Mementote Pastoris boni Salvatoris Nostri, cujus
vices geritis; Qui non labores tantum maximos sustinuit, sed vitam quoq; su-
am pro suis ovibus posuit, adeoq; demandatam Vobis curam salutis Fratrum
Vestrorum alacriter suscipite, ac pro ipsius Christi Domini, Ejusq; Sponsæ
Ecclesiæ Charitate strenuè & constanter exercete, amplissimam mercedem ab
Eo sperantes, quam Ipse omnibus, qui sibi ministraverunt, retributurum spo-
pondit. Concessus Vobis facultatibus utamini in solidum bonum Pœnitentium,
in ædificationem non in destructionem, ut fideles Dispensatores inveniamini, &
interim quovis momento quilibet Vestrum percullatur illo timore Apосто-
li: *Ne forte cum aliis predicavero, ipse reprobus efficiar*. Datt Cracoviæ in
Palatio Nostro Episcopali Die 11. Mensis Martii. 1776.

CAJETANUS EPISCOPUS

DUX SEVERIÆ.

mp.



no:

Biblioteka Jagiellońska
std/0026627



